

Sanhgyangh: “Feihyiz” Gwnz Byai Lwgfwngz—Siuqdung

三江：指尖上的“非遗”——侗绣

6 nyied 9 hauh dwg guk raeuz “ngoenz vwnzva caeuq swyenz yizcanj”, Sanhgyangh Duncuz Swciyen youq aen ranzsiuq Cingvah banh aen hozdung Siuqdung vwnzva cauxguh “Mbanjdung mehsiuq langh fungcaij·youq ranz guhhong daiq baenzfouq”, aeu Siuqdung cauxguh、beizyin gisuz dajsiuq、langhbaiz Siuqdung、gai Siuqdung daengj hozdung, langhyienj rengzhoengh “feihyiz” Siuqdung.

Siuqdung dwg gij dinfwngz conzdungj Duncuz gag miz, lizsij gyaenanz, 2009 nienz ndaej lied guh Gvangjsih Bouxcuengh Swcigih feihvuzciz vwnzva yizcanj. Geij bi neix daeuj, Sanhgyangh daihlig doidoengh Siuqdung dinfwngz swncienz, cujiz boux swncienz dinfwngz dawz gij dinfwngz Siuqdung cienz hawj mehmbwk dangdieg, lij dawz gij Siuqdung gyoengqde siugai daengz ndaw guk rog guk, aeu dinfwngz feihyiz swncienz bangcoh vunz lai vutgungz demsou.

(Vuz Lencinh/吴练勋)



▲ Mehsiuq cingqcaih siuq-seuj Siuqdung.

► Mehsiuq caez comz youq itheij guh dajsiuq.



▲ Makbwzyanghgoj dawzmak lo.

Liujcwngz:

Hwngfat Daegsaek Nungzyez Bangcoh Gunggeng Vutgungz

柳城：发展特色农业 助力脱贫攻坚

Bineix gvaqdaej, Liujcwngz Yen Secungh Yangh gaenxmaenx dawzok gij cozyung daihdoengh guhyienh lajmbanj hohhung dajndaem caeuq conhyez hozcozse, aeu gij fuengsik “hozcozse + gihdi + nungzhoh + hohgungzhoj”, doenggvaq cienz bang gungz, gisuz bang gungz、cehmiuz boujdiep daengj banhfap, bangcoh lajmbanj vunz lai hwngfat ndaem makbwzyanghgoj 400 lai moux.

Ciuq cam rox, dangqnaj aen yienh neix Fuzbinzban、Nungzyezgiz daengj bumwnz youq daengx yienh 23 aen mbanj gungzhoj guh hanghmoeg daegsaek canjyez 20 aen, ndawde guh gihdi guhyienh ndaem makbwzyanghgoj 5 aen, menciz dabdaengz 2000 lai moux. Ciuq bingzyaenz mouxcanj 2000 goenggaen, hawciengz sou gyaq 4—7 maenz/goenggaen, mouxcanj souik ndaej dabdaengz 8000—14000 maenz.

(Dwng Gwzyi/邓克轶)

Yungzanh:

Haidoengh Goeng'ik Hengzdoengh—Simndei Soengq Gauj

融安：启动公益行动——爱心送考

6 nyied 6 hauh, Yungzanh Yen bi 2018 “sim ndei soengq gauj” goeng'ik hengzdoengh cingqsik hai-nduj, aen yienh neix ci okco youq gauhgauj geizgan soengqciep gauj-swngh mbouj aeu cienz. Doengzseiz, gyauhgingj daengj danhvei mizgven caemh caenhsim caenhrengz bae bauj gaujswnggh ancienz、cinjseiz daengz gaujczangz, bangcoh lwghag swnhleih gauhgauj. Mbatneix dwg Yungzanh Yen laebdaeb 12 bi haiguh simndei soengq gauj hozdung.

(Danz Gaijhingh/谭凯兴)



▲ Aen ci nem gij biuhci simndei soengq gauj le hwnj loh soengqciep gauhswnggh.

Lozcwngz: 15 Fanh Maenz Bouj Yingyangi Vih Lwghag Gauhgauj “Gyayouz”

罗城：15万元营养餐补助为高考学子“加油”



▲ Gaujswnggh angqyangz lingx haeux gwn.

Lozcwngz Mulaujcuz Swciyen dwg aen yienh gungzhoj guk dingh he, haujlai hagseng daj luegbya daej haenx ndaw ranz gig gungzhoj, ngaenz yungh youq ndaw hag gvaq saedceij gig noix. Bineix gauhgauj yaek daengz gonq, Yen Dangjveij、Cwngfuj vih daengx yienh 1500 boux hagseng camgya gauhgauj haenx bued hawj le 15 fanh lai maenz guh bouj yingzyangj, vih gyoengq lwghag gauhgauj Mulaujcuz “gyayouz”.

(Mungz Cwngghsw/蒙增师)